

গণপ্রজাতন্ত্রী বাংলাদেশ সরকার  
মাধ্যমিক ও উচ্চ শিক্ষা বিভাগ  
শিক্ষা মন্ত্রণালয়  
শৃঙ্খলা বিষয়ক শাখা  
[www.shed.gov.bd](http://www.shed.gov.bd)

নম্বর- ৩৭.০০.০০০০.৯৫.২৭.০১.২০২৩.১৪০

তারিখ: ২১ আগস্ট ১৪৩০ বঙ্গাব্দ  
২৬ অক্টোবর ২০২৩ খ্রি.

প্রজ্ঞাপন

যেহেতু, জনাব মো: আহসান উল্যা চৌধুরী, উপজেলা মাধ্যমিক শিক্ষা অফিসার, চাটখিল, নোয়াখালী, প্রাক্তন উপজেলা মাধ্যমিক শিক্ষা অফিসার, শাহরাস্তি, চাঁদপুর কর্তৃক বাংলাদেশ কারিগরি শিক্ষা বোর্ডের অধীন ২০২২ সালের এইচএসসি (বিএম) এর বাংলা-২য় পত্রের পরীক্ষায় চাঁদপুর জেলাধীন শাহরাস্তি উপজেলার চিতৌষী আর.এম.উচ্চ বিদ্যালয় কেন্দ্রে 'ক' সেটের পরিবর্তে 'খ' সেটে পরীক্ষা গ্রহণ করার বিষয়ে জেলা প্রশাসক, চাঁদপুর থেকে তদন্ত প্রতিবেদন পাওয়া যায়। জেলা প্রশাসকের প্রতিবেদন অনুযায়ী জনাব মো: আহসান উল্যা চৌধুরী, উপজেলা মাধ্যমিক শিক্ষা অফিসার, শাহরাস্তি এর পাবলিক পরীক্ষার মত গুরুত্বপূর্ণ বিষয়ে দায়িত্ব ও কর্তব্য পালনের অবহেলার অভিযোগে সরকারি কর্মচারি (শৃঙ্খলা ও আপিল) বিধিমালা, ২০১৮ এর ৩(খ) অনুযায়ী "অসদাচরণ" এর অভিযোগে বিভাগীয় মামলা রুজু করা হয় এবং কারণ দর্শানোর নোটিশ প্রদান করা হয়;

যেহেতু, তিনি উক্ত নোটিশের জবাব প্রদান করেন এবং ব্যক্তিগত শুনানিতে অংশগ্রহণের ইচ্ছা ব্যক্ত করায় গত ২১/১১/২০২৩ তারিখে তার ব্যক্তিগত শুনানি গ্রহণ করা হয়;

যেহেতু, ব্যক্তিগত শুনানিতে প্রদত্ত বক্তব্য, দাখিলকৃত জবাব, বিভাগীয় মামলার অভিযোগনামা ও অভিযোগ বিবরণী, নথির অন্যান্য কাগজপত্র এবং বিভাগীয় মামলার প্রাসঙ্গিক রেকর্ডপত্র পর্যালোচনায় তার বিরুদ্ধে আনীত অভিযোগ প্রমাণিত না হওয়ায় সার্বিক বিবেচনায় তাকে বিভাগীয় মামলা হতে অব্যাহতি প্রদানের সিদ্ধান্ত গৃহীত হয়;

সেহেতু, জনাব মো: আহসান উল্যা চৌধুরী, উপজেলা মাধ্যমিক শিক্ষা অফিসার, চাটখিল, নোয়াখালী এর বিরুদ্ধে আনীত অভিযোগের প্রেক্ষিতে সরকারি কর্মচারী (শৃঙ্খলা ও আপিল) বিধিমালা, ২০১৮ এর ৩(খ) অনুযায়ী "অসদাচরণ" এর অভিযোগ প্রমাণিত না হওয়ায় তাকে বিভাগীয় মামলা হতে অব্যাহতি প্রদান করা হলো।

২। এ আদেশ অবিলম্বে কার্যকর হবে।

রাষ্ট্রপতির আদেশক্রমে,

(সোলেমান খান)  
সচিব

তারিখ: ২১ আগস্ট ১৪৩০ বঙ্গাব্দ  
২৬ অক্টোবর ২০২৩ খ্রি.

নম্বর- ৩৭.০০.০০০০.৯৫.২৭.০১.২০২৩.১৪০/২(১)

সদয় অবগতি ও প্রয়োজনীয় কার্যার্থে অনুলিপি প্রেরণ করা হলো:

- ১। মহাপরিচালক, মাধ্যমিক ও উচ্চ শিক্ষা অধিদপ্তর, শিক্ষা ভবন, ঢাকা (জনাব মো: আহসান উল্যা চৌধুরী এর ব্যক্তিগত নথিতে/ডোসিয়ারে প্রজ্ঞাপনটি সংরক্ষণের অনুরোধসহ)।
- ২। উপসচিব (সরকারি মাধ্যমিক-১), মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, ঢাকা।
- ৩। সচিবের একান্ত সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, ঢাকা।
- ৪। সিস্টেম এনালিস্ট, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, ঢাকা।
- ৫। বিভাগীয় হিসাব নিয়ন্ত্রক/জেলা/উপজেলা হিসাব রক্ষণ কর্মকর্তা .....
- ৬। জনাব মো: আহসান উল্যা চৌধুরী, উপজেলা মাধ্যমিক শিক্ষা অফিসার, চাটখিল, নোয়াখালী।

(মো: শাহীনুর ইসলাম)  
উপসচিব